



Diario



pa Aruba



## E inolvidable Hildegarde lo bini Aruba atrobe



ORANJESTAD — Kende no ta corda e actuacion estupenda cu Hildegard tabatin na apertura di Aruba Caribbean Hotel e aña pasa? Durante e dos siman nan ey tur anochi Klompen Klub tabata bon jena di hende pa scucha Hildegard canta. Exactamente un aña despues, esta 18 juli proximo venidero nos lo tin e oportunidad di bolbe mira

e cantatriz aki. Hildegard lo bini su sol directamente for di New York y lo keda for di dia 18 te 31 di juli 1960. Diarazon ultimo e contraet a worde firma.

E reaparicion di Hildegard ta en conexion cu celebracion di e prome aniversario di Aruba Caribbean Hotel, dia 18 di juli.

## Pension di vehez acepta pa Staten

WILLEMSTAD. — Staten di Antillas Neerlandese durante su reunion di ayera a acepta e proyecto di ley pa tur hende ta asegura pa ricibi pension di vehez, y ta asegura pa ricibi pension di vehez, y importa unda e ta emplea, por conta cu e tin un pensioen ora cu e ta grandi na edad y no por traha mas.

E proyecto manera el a ser presenta pa gobierno tabata hisa pa e trahador contribui cu 3 1/2 % di su ganamento pa e seguro di vehez, pero riba esei a bini un amandamentu presentu pa miembronan Braam, Leito y O. Croes, cu ta stipula cu tur donjo di trabou ta obliga na duna e trahador un aumento 2% qu ta bai pa e seguro mientras cu e gnanamento di e trahador ta kita e sobra 1 1/2 %, cu por hecho ta bin bira loque e trahador ta bin contribui di loque e ta gana actualmente.

E proposicion aki a ser acepta. Braam ta muestra cu te awor tabata sin cu hopi trahadornan ora cu nan bira grandi tabata haya un oloshi of algu asina di e donjo di trabou y tabata cu bai cas sin ningun entrada mas pa restu di nan bida. Cu e ley cu a pasa ayera, tur trahador riba Antillas tin su behez garantisa. Hasta e homber cu ta traha riba su mes y no ta gana mas cu fl. 900.— pa anja, local bou di e seguro sin cu e mester di contribui. Te ora cu su entrada ta mas cu fl. 900 pa anja e tin di contribui.

E ley aki ta cubri esna cu cumpli 65 anja di edad. Esnan cu awor aki ta hayando pensioen di behez (for di 60 anja) ta sigui haya e ora cu nan alcansa 65 anja ta eai bou di e seguro di behez manera el a ser acepta ayera den Staten y esei lo trece poco mas entrada pa nan, ya qu por ehempel un homber cu ta cobra fl. 80.— p'e y su casa, lo cuminsa haya fl. 95.— pa ulan. Y esaki ta valido mesora cu e ley ser proclama, loque ta pronto.

### DE BOER NO TA BAI

Entra di e puntonan di agenda, oposicion tabata quier a haya aproba pa

De Boer a ser agrega na e delegacion cu ta sali pa Ulanda awe mainta pa un bishita parlamentaria. Leito papiando pa e partidonan di gobierno a refuta esei sin embargo bisando cu a concede na tur partido grandi dos puesto den e delegacion. NVP y COP a presenta como un lista di eleccion y como un a duna e lista ei mes dos puesto cu a duna e otro partidonan. Coq e partidonan a reparti e dos puestonan ei ta asunto interno. Si NVP a dicidi manda Voges y Romer y laga de Boer afo ta asunto interno di e partido ei.

### MAESTRONAN A GANA

ORANJESTAD. — Den e programa di hersegymnastiek cu por worde scucha tur diarazon anochi 9'or via Radio Kelkboom a enfrenta otro antayera nochi e dos teamnan di Mercuur y Protestanten Christelijk Onderwijs.

Pa mitar punto (27 1/2 - 27) e maestronan di scol a impone nan mes ariba e comerciantenan (Mercurius). Otro siman lo enfrenta otro D.O.W. y K.L.M. y e siman despues lo ta Accountantdienst la bai contra di Protestanten Christelijk Onderwijs.

### Pasaheronan na Aeropuerto a subi considerablemente

ORANJESTAD. — Segun cifranan durante e luna di april e movimiento di pasaheronan na aeropuerto a suhi cu 2322 personas. E hecho cu Pascu Grandi e biaha aki a cai den April sigur lo tin conexion cu esaki.

MAART: 1960 1959 1958  
Pasajeros: 2712 2705 1964  
Entrada 1585 2009 1538  
Transito 3014 2842 1936  
Salida

Total 7311 7556 5438  
Aterrizaje: Comercial 249 233 214  
Sport 21 24 10

## Editorial di „De Nieuwe Rotterdamse Courant”

DEN HAAG, 12 mei — E „Nieuwe Rotterdamse Courant” a termina den su edicion di awe un editorial tocante apertura dje Staten na Surinam y Antillas, bisando entre otros:

Nos ta satisfeco cu por constata, cu e interes pa e rijksdeelnan den Caribe a aumenta hopi durante e ultimo anjanan aki na Hulanda. Esey ta necesari tambe. No ta semper tabatin suficiente interes pa e partinan menos desarolla dje reino.

No ta strango, cu por ehempel Surinam sa referi di bez en cuando na

inversiconnan importante di otro paisnan, particularmente mericanonan, pa puntra nos, si Hulanda ta haci mes tantu esfuerzo. Aho mester recorda, cu segun punto di vista di Merca Surinam ta solamente parti dje continente suramericano grandi, mientras cu Hulanda tabata relacionnan estrecho pa hopi siglo cu e luga ey.

Di bez cu cuartido tambe hende ta compara e asistencia di Hulanda na Surinam of Antillas cu e asistencia di Hulanda na luganan atrasa, pa tuma decision hustifica of in hustifica, cu no ta hopi reconfortante pa Hulanda.

Nos gobiernonan ta trata semper hustificadamente, pa establece relacionnan comercial y gubernamental internacional. Goodwill Surinam y antillano por sirbi nos hon na Suramerica. Si nan no kie mira e asistencia na e rijksdeelnan buta mas riha un base idealista — na unda e mester ta na prome luga — lo por ta util, pa observa e aspecto aki dje caso un biaha mas.

## COLEGIO ARUBANO: AD MULTOS ANNOS

ORANJESTAD — „Colegio Arubano: Ad multos annos”, e director di H.B.S., drs. J. Mulders a bisa, recientemente. Drs. Mulders ta contentu y huntu cu ne hopi mayornan, po motibu cu awor nan jiuhan no tin mester di bandona nan cos na edadnan tan hoben y huntu cu nan tambe ta contentu e maestronan di school y e muchanan no menos.

Apesar di e lugar limita a forma un ambiente den e Colegio Arubano aki, cu por ta un ehemplo pa hopi. Ta radia algu di e scol y e team cu huntu ta traha ei den. Y nos ta kere cu e mesun ambiente aki pa un gran parti ta di gradici na decision reciente cu eilandsraad a hae algun dia pasa pa haci e Colegio Arubano aki na un curso di H.B.S. di cinco anja y tambe pa e kweekschool cu nan ta bai cuminsa.

Seccionnan tabatin hopi. Hendenan cu no por a kere den e posibilidad di un H.B.S. di cinco anja na Aruba y tal vez te ainda no kier kere. Pero Corsow tambe ta haci poco tempo pasa no por a mantene un H.B.S., asina nan a bisa por lo mehos: pero actualmente na Corsow tin tres.....

E mesun ambiente aki tabata reina den sala di raad siman pasa. E tribuna publica tabata carga di alumnonan y maestronan di e colegio y drs. Mulders a reforsa esaki un poco mas ainda si-

guiente dia jamando tur e muchanan y nan maestronan den gymnastiekzaal. Aja el a informa nan di e decision cu raad a tuma. Y el a duna nan mas spikacion tambe. El a menciona e responsabilidad cu ta riba schoudernan di e maestronan y e alumnonan awor. Esta, pa comproba cu berdaderamente e colegio por bira un H.B.S. di cinco anja.

El a referi na e gastunan enorme di tur anja cual nos comunidad mester paga.

Nos a keda contentu ora cu nos a tendese esaki y nos ta kere cu ta bon pa nos lectionan tambe ta na altura cu e Colegio Arubano ta consciente di su responsabilidad.

Na honor di e ocasion particular nan a pasa un treat di ice-cream pa e muchanan. Directiva di scol no a laga yerba crece y a manda diferente telegramnan necesario na e maestronan cu mester bini, na e librerianan cu mester manda e bukinan y otro materialnan di estudio.

Y nos ta ripiti e palabranan di drs. Mulders: „Colegio Arubano: Ad multos annos”, y na drs. Mulders mes: „Ta lastima cu ABO ta bai”.

### PAUL DE MIKO TA BAI

ORANJESTAD. — Senor Paul de Miko, president-manager di Aruba Caribbean Hotel lo sali diadomingo awor pa Caracas. Despues cu el a traha casi seis luna den su puesto actual el a nidi su reiro for di grupo di Condado. Muy probablemente e lo hanja un puesto nobo den hotel na Venezuela. Su jiu muher lo keda algun dia mas cerca amiganan na Aruba.

### B.C. TA BAI SOSTENE CASA CUNA

ORANJESTAD. — Bestuurscollege di Aruba a caba di tuma un decision cu lo favorece Casa Cuna y e muchanan cu ta ey den masha hopi. Pa cada mucha e gobierno di Teritorio Insular lo bai paga fls. 2.50 pa dia, mientras cu tur e tratamentonan medico lo bini na cuenta di e isla tambe. E reglamento aki a drenta na vigor cuminzando for di dia di apertura di e edificio actual na Pos Chikilo.

Actualmente tin diez mucha, di mannan cu ta trahando, ta keda na Casa Cuna. E capacidad ta monta na 25 mucha.

Solamente muchanan cu a caba di nace y te cu seis anja ta worde accepta; nan ta keda di dia y anochi.

E decision aki di Bestuurscollege a worde accepta cu corazonnan alegre na Casa Cuna, na unda e garantia pa mantencion a bira mas grandi.

## Matrimonio di Dik Wolff



Un di nos redactornan, senor Dik Wolff, ayera mainta a contrae su enlace matrimonial cu senorita Els Koenders. E matrimonio a ser realiza pa senor J. Brattinga di Censo, donde cu esaki a casa su prome parera.

E mes mainta e hoben pareha a sali rumbo a Puerto Rico pa pasa un luna di miel, y despues sigui pa Europa disfrutando di algun luna di vacante.

## „CONOCE BO FE” Y CENSURA DI PELICULA

ORANJESTAD. — E programa radial via Radio Kelkboom di e Centro Apostolico Arubano, „Conoce Bo Fe” lo ta den aire atrobe diadomingo awor for di 6.30 — 6.45.

E obheto di e siman aki ta trata ariba „Censura di Pelicula, Boeki, Arte etc.”. E discusionnan lo ta entre e miembronan di e Centro mes. Otro siman diadomingo dia 21 y tambe dia di Asuncion (26 mei) nan lo presenta na e mesun emisora aki un programa especialmente pa e muchanan cu a ricibi nan promer Santa Comunien. E programa aki lo dura for di 11.30 te 12.00. E directiva di Centro Apostolico Arubano kier duna di conoce na e muchanan cu te ainda nan por hanja e boeki „Hesus Ati Mi Jiu” cerca miembronan, pastore y na scol.

## HOTEL DI 80 KAMBER NA PUERTO RICO

SAN JUAN. El Conquistador, un resort-hotel di 80 kamber cu lo bini na Las Croabas cerca di Fajardo, a ricibi aprobacion pa un prestamo di \$ 910.000 dollar for di e Banco di Desarollo di Gobierno.

Sponsornan di e proyecto cual lo cuminsa na principio di otro luna ta Raymond J. Burgemeister y Hugh McPherson. Architecto ta Robert J. Aderdice. E hotel lo worde opera door di e Hotel Corporation di America.

## Navegacion: menos Tankero, hopi otro bapor

ORANJESTAD. — Den e luna cu a caba e cantidad di tankeronan cu a drenta den haaf a hacha compara cu anja pasa, pero e otro sorto di haporan compara cu e mesun luna si a subi. Aki hau ta sigi un resumen:

April 1960: 151 tankero 2.368.210 Brl.  
91 otro hapor 469.710 Brl.

## BASEBALL BASEBALL BASEBALL

### „ORANJESTAD LITTLE LEAGUE BASEBALL”

DIABIERNE, 13 di mei pa 7.30 'or p.m.

den WILHELMINA STADION

HILTON vs. COCOMALT

Knockout (ganador A.)

DIABIERNE, 13 di mei pa 8.45 'or p.m.

BANCO VENEZUELA vs. SELECCION JUVENIL DI ARUBA

Entrada Fl. 2.— pa hende grandi y Fl. 1.— pa muchu

DIASABRA, 14 di mei pa 7.30 'or p.m.

den WILHELMINA STADION

ADAMS CHICLETS vs. OSO GRAPE

Knockout (ganador B.)

DIASABRA, 14 di mei pa 8.45 'or p.m.

BANCO VENEZUELA vs. SELECCION JUVENIL DI ARUBA

Entrada Fl. 2.— pa hende grandi y Fl. 1.— pa muchu

DIADOMINGO, 15 di mei pa 10'or di mainta

den WILHELMINA STADION

GANADOR A. vs. GANADOR B.

(di e knockout di Little League)

DIADOMINGO, 15 di mei pa 11'or di mainta

BANCO VENEZUELA vs. SELECCION JUVENIL

(Reforza cu AA di Aruba)

Entrada Fl. 2.— pa hende grandi y Fl. 1.— pa muchu

## BASEBALL BASEBALL BASEBALL



## Dos trahador a hanja desgracia

ORANJESTAD. — Diarazon mainta tabatin un desgracia ariba e pida terrena entre Postkantoor y Bestuurskantoor. Tres homber tabata trahando ariba un stelashi ora cu esaki a bini abou. Dos di nan, M.T. y A.A. a hanja va rios herida y nan mester a worde transporta pa hospital cu ambulance.

## Pa tur bo aseguronan F A T U M — Tel.: 1845

### Machete den man:

Nan a jama polisnan pa asistencia diarazon anochi na Esso Heights. Parce cu algun mucha homber tabata molestia un tal B. Ora cu polis a jega e muchanan a sonmeta, pero si nan a hanja B.B. bon arma cu un machete. Patrulla a kita e machete for di dje, y mes ora tur cos tabata calma atrobe.

### Choke:

Un choke entre A-3212 y A-6881 a worde sinjala na e cruzada na altura di Zeewijk diarazon anochi pa 8.20. E chofernan tabata J.M. y J.A.R. Dos die pasaheronan di 3212 a hanja heridanen leve. E dano material na e antonan ta monta na fl. 2000.—.

## GANA P-L-A-C-A



„Look under the Crown”

### Hanja y perdi

Polita Thielman di Milonstraat a hanja varios pida biljeet den caya grandi. Jose Francisco Croes di Tanki Leenderi 118 a perde keuringskaart di su auto A-80.

## SPENCER A REPRESENTA TRAHADORNAN PETROLERO DI ANTILLAS


AMSTERDAM. — Durante e sesion di mardia di e tercer congreso mundial di e „International Federation of Petroleum Workers” teni na Krasnapolsky, Amsterdam, varios representantes a duna un relato tocante e situacion na nan pais.

Asina tambe senor Spencer, delegado di e Federacion di Trahadornan di Corsow, a declara cu na Corsow y Aruba tin hopi desempleo. E retraso den asunto di trabou ta debi entre otro door di e supertankernan, pa cual e hafnan Antillano no ta adecuado. Masha hopi di e delegadonan a haci un apelacion na e comision ejecutivo di e federacion internacional pa mas ayudo y asistencia na desarollo di e trabounan di e federacion.

E congreso a bini di acuerdo cu e relato di e secretario-general, e Americano Lloyd A. Haskins, cu a jega na e conclusion cu e organizacion mundial di trahadornan petroleros den e prome seis anjanan di su existencia a jega na resultadonan satisfactorio. Ademas e congreso a aproba algun cambionan den e Statuonan.

3 barco di hela	178 Brl.
245 total	2.838.098 Brl.
April 1959:	
173 tankero	2.453.383 Brl.
84 otro bapor	388.336 Brl.
3 barco di hela	179 Brl.
263 total	2.841.898 Brl.







# Ganando Sta. Cruz Stars 3 pa 2 Heinekens' ta mantenesu invicto

(Di nos redactor deportivo)

**ORANJESTAD** — Un gran duelo di pitcher a warde brinda na e fanatican diarazan anochi den e encuentro di AA entre Sta. Cruz Stars y Heinekens'. Tabata entre Gerald Duinker di Heinekens' y Yanko Alberts di Sta. Cruz Stars. Den e octavo inning Duinker a pone su mes den problema serio y mester a warde releva daa di e haban Bikker, kende a resulta e lanzador ganador y a conta cu un poco di suerte ara cu e direccion di Stars a falla den permiti un bateador cu ya a come das panche y lamta un popfly pa catcher keda na bate cu basenan yen y e score empatá na dos carrera.

Duinker despues di saka e promer homer den e octavo a regula cuatro base por bola y permiti un hit cu a costa dos carrera empatando e wegá. E descontrol aki a obliga manager Gaston Hazel yama Bikker for di bullpen pa reemplaza Duinker.

E lanzador di Sta. Cruz Alberts a cubri henter e ruta cu el a ricibi ocho

hit, nos mester bisa cu el a lanza bon. Sin duda alguna cu un mihor receptor Yanko lo lanza cu mucho mas confianza y consecuentemente lo por haci mihor trabao aida. E santa Cruz zero aki tin bon curva, hopi velocidad y ta varia su lanzamentonan bon.

## Heineken's a habri e score

Cerrando e tercer inning e promer carrera di wegá ta warde anota. Gibbs a habri cu base por bola. Duinker a come ponche, pero Illidge ta liga hit den centerfield. Simeon Bryan ta come ponche pa di dos out. Un fuerte hit di Harry Blijden, semper bai un bateador peligroso, ta empuha Gibbs, mientras cu Illidge ta yega tercera. Ponche pa Halman ta cerra e inning.

E segundo carrera cervexero ta cruza home den inning number cinco. Despues di dos out, Bryan ta embasa pa deadball. Otro hit di Blijden ta pone e veloz Bryan te na tercera. E hardinero central di Stars Juanchico Panneflek, kende a fildea e batado di Blijden ta keda cu e bala den su man manera cu e por tabata retando Bryan pa bin home. Esaki no ta perde pa gana y ta ranka bin home. E tiro di Juanchico cu ta warde haci pura pura e ora ta poco halo y catcher Gumbs no ta detene e bala. Aunke cu e tiro no tabata di e malo ey e error a warde carga na Panneflek ya cu e no mester a keda cu e bala den su man den outfield anto cu un corredor manera Bryan ariba tercera. Un fly di Halman pa hardin central a bira out number tres.

## E gran chens di Sta. Cruz Stars

E promer out a cai caba den e octavo ora cu pitcher Duinker a cumenza ta perde control.

E ta regula base por bola na Loreto Kock y na Pedro Dirks, e unico homer cu te na e momento ey a logra conecta hit contra dje. Juanchico Panneflek ta sigi cu un roller di hit den direccion di shortstop masha bon coloca ya cu tabata net na momento cu e short Illidge a sali bai cubri segundito tiro di e catcher debi na cu Kock a habri hopi. Centerfielder Blijden a fildea rapidamente y su tiro perfecto pa home no a permiti Loreto Kock pasa tercera base.

Asina e basenan a yega y tabata toca turno na bate, e cuarto bate Mai Angela. Esaki ta ricibi su segunda base por bola y Kock ta anota forza e promer carrera di Sta. Cruz. Pitcher Duinker tin di enfrenta luego e peligroso Yanko Alberts y esaki tambe ta ricibi pasage gratis forzando asina e carrera di empate.

Di e dos lanzadonan cu tabata calculando full speed den bullpen manager Gaston Hazel ta yama e hoben Bikker pa encarghe cu e dificil situacion.

Mientras cu e direccion di Heinekens' ta haci cambio, e direccion di Sta. Cruz Stars ta keda paraliza y ta permiti Ricardo Gumbs, kende ya tabata tin dos ponche y un foulfly pa catcher continua na turno cu e basenan yen y apenas un out.

Loke tur hende a spera a sosode ya cu Gumbs a ricibi su ponche number tres pa out number dos sin sikiera mishi cu e bala. E siguiente toletero Ovito Lampe ta roleta pa tercera caminda out forza ta warde haci pa cerra e inning.

Nos mester bisa cu fallo den direccion di Stars ta loke a tira e magnifico chens aki afor.

## UN REGALO IDEAL

pa SANTA COMUNION

ta un TAJO CU DATOS CONMEMORATIVOS

di

Eerste Arubaanse Keramiek Shop

Rondweg 21 - Tel: 2621

Cu e score empatá na dos carrera, Heinekens' a bai tuma su octavo turno na bate. Harry Blijden a habri cu un incogible, su tercer di e partido. Buscando sacrificio Halman su toque ta bira un pop-up y e ta bira promer out. Wallace Peters ta conecta roller entre primera y segunda cu e primera base Angela ta fildea y como cu Blijden ta coriendo pa tercera, Angela ta lanza pa e base ey. Su tiro ta malo y asina Blijden ta yega sano y salvo mientras cu Peters ta provecha pa bai segunda.

John Hudson ta sigi cu largo fly 'en hardin central, loke tabata net basta na Blijden anota cu pisicorre e carrera decisivo. Lynch a cerra e inning cu roller pa segunda.

Sta. Cruz Stars ta falla den e noveno y asina e partido ta termina cu score di 3 pa 2 na favor di Heinekens'.

Gerald Duinker a lanza 7 1/3 inning, permiti apenas dos hit uno den e promer y e otro den e octavo inning, regala 7 base por bola y ponche 8 pa dos carrera.

Bikker a lanza 1 2/3 inning sin permiti hit, regala 1 base por bola poncha uno pa cero carrera.

Pitcher perdedor Yanko Alberts a lanza ocho inning, ricibi 8 hit, regala apenas dos base por bola, poncha 7 pa 3 carrera. Ambos banda tabata tin dos error.

**CARRERA**

Sta. Cruz Stars 0 0 0 0 0 2 2

Heinekens' 0 0 1 0 1 0 1 0

## AWE NOCHI SERIE CONTRA VENEZUELA TA CUMINZA

(Di nos redactor Deportivo)

**ORANJESTAD** — Despues di un encuentro di Little League entre e fuerte novenan di Cocomalt y Hilton, lo cumenza awe nochi den Wilhelminastad e serie entre e novena amateur AA Venezolano Banco Venezuela y un Selección Juvenil di Aruba.

Manera ya nos a comenta ayera e seleccion Arubiano ta cu cuenta cu valoran cu ya tin mihor den nos mihor pelota, manera catcher Halman di Heinekens' y e torpedero van der Biezen di Marlboro, mientras cu tambe lo tin varios hungador di AA cu ya no ta juvenil cla pa dreña den accion si ta necesario.

E serie lo ta di tres partido, siendo e segundo partido mihor anochi y e tercer diadomingo mainta.

Tur tres lo ta den Wilhelminastad y lo tin como preliminar un partido di Little League entre e cuatro mihor man di nos isla.

## HOSPITAAL DI E.B.G. NA KABEL TA MUDA PA DJOEMOE

**PARAMARIBO** — Na number di e gobierno di Surinam e Brokopondo Bureau y e directiva di Evangelische Broedergemeente na Surinam a tene combersacionnan ariba un arego pa reparacion di e danjo na Prinses Juliana Zendingsschouwburg na Kabel, cu como resultado di construcion di e Brokopondostuwmeer mester worde evacua. E combersacion nan a jega asina leeuw, cu e Brokopondo Bureau lo duna na e Evangelische Broedergemeente un suma di f. 380.000 cu cual e Broedergemeente por traha un hospital nobo na Djoemoe cerca cu Boven-Surinamerivier en frente di e pueblito Goddo pega cu caminda Gran Rio y Pikién Rio ta encontra cu otro. E hospital nobo lo bini na un lugar caminda tin casi 800 hende ta bina, y cual cantidad despues di transmigracion di e hendenan for di e territorio di e stuwmeer segun tin spera lo jega te 10.000 pa 12.000 hende. E hendenan cu ta bina na e lugar aki nunca aida tabatin ayudo medico permanente, asina cu un hospital den e territorio aki lo warde aplaudi masha hopi.

E hospital nobo, ora cu el ta completamente cla, lo duna lugar pa 60 paciente mescos anto cu e capacidad di e hospital na Kabel. Sin embargo en conexion cu ideanan moderno riba terreno di construcion di hospital, esun na Djoemoe lo ta mas grandi cu e hospital na Kabel. Cu limpiamento di e terreno y e reunimento di materialnan di construcion, pendiente di e combersacionnan, nan a haci un comencio caba. En espera di un construcion mas permanente, ya nan a lega traha algun casitan primitivo.

E anciano a rieibi manca un choque. „Marques van Bolkan“, e anciano a ripiti. „Larga mi bai avisa noble Theresa unbez anto. Sin embargo bo por dreña hoso numa, mylord. Lo mi cende e belanan“.

Lord Bolkan a sali y a pasa na otro banda dje shers pa e yuda Isabel baha. El a garra su mes un ratu na e hombra ora cu esaki tabata den su brazanan.

Cu prudencia di mas grandi el a pone abao na suela y luego el a los foi dje na un manera cortés.

Y lord Gillingham a bisa ora cu nan tabata pasa riba e terrasa. „Mi ta sinti manera ta misa mi ta bai“.

Nan a hanta e anciano ta cende e belanan den e kandelaaan di kristal kantu di muraya y na riba mesanan.

Y despues cu el a caba di cende e belanan el a bisa: „Larga mi bai avisa noble Theresa, pasobra e ta na sonjo caba“.

„Mi Dios dushi caramba ta haci friu“, Isabel a bisa mientras e tabata pasa su man ariba dje vlamnan di palu den e fogon, cu ainda no tabata

No more dust with a

GENERAL ELECTRIC VACUUM CLEANER from

Wimco

## BAGAMUNDERIA Ariba TERRENO DI FUTBOL

**BUENOS AIRES** — Diadomingo pasa tabatin masha bagamunderia ariba tres terreno di futbol na Argentina, durante partidonan di futbol, y na unda polis y brandspuit mester a pone orden. Na Buenos Aires e wegá entre Argentinos Juniors y Charivar tabata asina cayente, cu e referee no tabata por a pone orde mas. Principalmente ora cu e publico tambe a cumenza mishi den e asuntito. E polisnan a actua rigurosamente y te hasta a tira bonnan di gas. E publico a contesta cu piedra, y ora cu polisnan a cumenza arresta hende, e „braza fuerte“ a sali victorioso den e combate aki.

Un otro caso a sosode na Orientes na unda no ta e hungadornan sino e referee a haci cosnan di rebelde. E publico a bandona e stadion como protesta y cu un demostracion grandi nan a bai den centro di ciudad. Nan a pidi auxilio di brandspuit atrobe y cu algun straal di awa esaki a corre e demonstracionan for di otro. Ora cu polisnan cu algun tiro a laga tende cu nan ta presente, e hendenan a bira seco seco, den tur sentido di e palabra.

Dos „enemigo mortal“. Mar del Plata y Balcarce tabata para dilanti di otro ariba terreno na Balcarce, na unda e candela tabata sparti tur banda. Hungadornan a cumenza hala otro cu golpi. E referee a indica e club di Balcarce como esun culpable. Mar del Plata a gana cu 13 pa 1, pa motibo cu e club di Balcarce na ultimo a debilita asina hopi, cu e no tabata na estado na duna partido mas. Den kiedkamer e culpablenan tabata sinti pensa ariba nan picarnan.

Bou di vigilancia di polisnan e club ganador mester a bandonan terreno.

**PARAMARIBO** — Durante un partido di fiesta, na ocasion di apertura di un stadion nobo, entre Atletico de Baleares y Birmingham e back derecho di Atlético, Crespi, a kibra un pia y dos hungador di Birmingham a worde saca for di terreno. E referee e ora aki a hancje obliga na cancela e partido; tabata falta ocho minuut di wegá.

Pa ta compito: E Spanjonan a gana cu 2 pa 0; sosiego 1 pa 0.

**IMPORTANTE DESCUBRIMIENTU NA VENEZUELA**

**CAPURE** — Segun noticianan te ainda no confirmá ta bisa algun geologonnan Americano a hanja na e isla Capure prov. Delta Amacuro un consumo importante di e metal radioactivo Thorium.

**Destruccion di un avion riba territorio di Cuba**

**HAVANA**, 12 mei. — Un piloto mericano, cu tabata tratá di scapa for di Cuba cu 5 persona den un avion, a worde mata awe mainta tempran pa miembronan di marina di guerra di Cuba. E avion leve cu e tabata hiba cune, a cai y a worde destrui cerca Mariel, na un distancia di 35 km for di Havana.

Departamento mericano di asunto exterior a duna e embajada mericano na Havana orden inmediatamente, pa haci un investigacion extensivo di incidente.

Y ora el a bai sir Peter a bisa: „Si mi tabata bo lo mi no a tene e anciano ei aqí mas. E mester tabata como pension ya ta medio siglo caba“.

Anto lord Gillingham a observa: „Si bo ripara tur cos aqí den bon anto bo ta hini na e conclusion, cu tur cos aqí ta un poco miserable. Mi ta hanta awor aki e impresion cu... wel, cu ya ta basta dia caba sir Charles tabata biba agobia bao di dificultadnan financiero. Lo nos bam haci un paseo den e otro cuartanon“.

Anto lord Bolkan a responde: „Ta parce mi mas decente di sinta spera un ratu mas aqí. Y pa bisa bo mas sigur, mi no ta sinti ni nada curioso cu sobra dje posesion aqí. Lo que cu mi ta mira aqí caba ta basta fastioso caba“.

Isabel a bira su mes cu un sonrisa desafiante pa e lord.

„Quizas cu e noble tambe ta mes miserable y fastioso manera e cosnan cu nos ta mira rond di nos. Mi ta masha curioso pa mi mira como bo ta actua den e caso aqí un ratu ora cu e noble dana presenta, Justin“.

E ta sigui

## CUMPLIANJOS

Ta cumpli 20 anja e gentil caballero Emerald Everon y ta ricibi felicitacion di su mama Anita, tata Casper, ruman Magda, Julio, Valentino, Reginaldo, Dora y Damasco, primo Daniel, amigonan Bedy Lacle, Otilio Lacle y demas familia Everon y Dirks.

E distinguido hoben Andreito Bikker ta cumpli 16 anja y ta ricibi felicitacion di su mama Thomasa, tata Ervilio, rumanan Olinda, Juana, Antonio na Hulanda, sobrinonan Stanley y Mai, sobrina Dora, tambe di su amigo y amiganan di „Colegio Arubano“ y demas familia.

Ta celebra su feliz cumpleaños e hobencita Elma Mariana y ta ricibi felicitacion di su mama, tata, 12 rumanan, tur su tatanan na Bonaire, especialmente di familia de Palm y Pina Tromp.

E linda hobencita Johanna Pangrasia Geerman ta celebra su fecha natal y ta ricibi felicitacion di su mama Catrin tata Chalie, ruman Gracy y Freddy, wela, tanta omonan, prima, primo, tur familia Geerman especialmente di senjorita Dita Cecilia y Carmen Croes, zuster Maria Emilia, tur su amiganan di Filomena College na San Nicolas.

Awe ta recorda su fecha natal e simpatica senjorita Juanita de Cuba y ta ricibi felicitacion di su tata Atanacio, mama Rosa, 8 rumanan, Mario, Dominico, Maria, Veronica, Florencia y Sofia wela Maria Gonzalez, wela Antonio Gonzalez, tanta y omonan, prima y primonan, especialmente di su amiganan Maria na Corsow di „Vera James, Aaida Albertus, Elma Statie, Marijke Angel, Betica, Angel, Beatrix Zimmernan, Paulina Richardson Ivy Paries, especialmente di su amiganan, y demas familia de Cuba, Tromp y Hanst na Corsow.

Ta celebra su fecha natal senjor Pedro Benedicto Tromp y ta ricibi felicitacion di su esposa y junan Diana, Maria, Nicolasa, Theresita, Alberta, Rosa, Anna, Carmen, Filomena, y demas familia y conocinon.

Awe ta celebrando su feliz cumpleaños srta. Filomena Jacobs y ta ricibi felicitacion di su amiganan Mena y Aminta Velasquez, Olimpia Tromp Carmen Franken, especialmente di su comprometido Bubú Ras.

**RADIO VICTORIA**  
Diabierne 13 di mei

11:00 Apertura  
11:15 El Mundo Femenino  
11:30 Melodias di Meridia  
12:00 Ultimas Noticias  
12:15 Musica Sacrada  
12:30 World News  
12:45 Organ Memories  
1:00 Radio Concert Hall  
2:00 The Reading Room  
2:15 Sacred Songs  
2:30 The Quiet Hour  
2:45 Enuevos Musicales  
3:15 Cafe con Musica  
3:30 Luz y Verdad  
3:45 Musica di Banda  
4:15 Escutan Celestial  
4:30 Radio Kid's Bible Club  
5:00 Joyas del Hogar  
5:15 Palabras de Fe  
5:30 Interludio Musical  
6:00 Ultimas Noticias  
6:15 Sucesos Deportivos  
6:30 Noticias Hulandes  
6:40 Musica Clasica  
7:15 The Bandstand  
7:30 Unshackled  
8:00 World News  
8:10 Off the Record  
8:30 Back to the Bible  
9:00 Musical Gems  
9:30 Haven of Rest  
10:00 World News  
10:15 Hymns that Live  
10:30 Sign Off

**RADIO CARACAS TELEVISION**  
Viernes 13 di mayo

8:55 Patron de Radio Caracas Television  
9:37 Informacion sobre los programas del dia  
10:00 El calendario de Mama  
10:30 Cosas de Mujeres  
11:15 Cortos Cinematograficos  
11:30 La Perfecta Ama de Casa  
12:00 El Gran Show de las Doce  
1:15 Su novela Fab-vorita  
1:30 El Imparcial Television  
2:00 Documentales  
2:30 Club Femenino  
3:00 Por el Ojo de la Cerradura  
4:00 Estudio de Hector Monteverde  
4:30 Club de los Nietos  
5:00 Cortos Cinematograficos  
5:30 Cortos Cinematograficos  
6:00 La novela Ace (estudio 10)  
7:30 Revolver a la Orden  
8:00 El Observador Creole  
8:15 Su novela Palmolive  
8:30 Fiesta Pepsi  
9:00 La novela Camay  
9:30 Documentales  
10:00 Documentales  
10:30 Cineprograma  
12:00 Patron de Radio Caracas Television  
Despedida

**HARDBOARD?**

No tin lugar cu por bati PRIJS SERVICIO y CALIDAD di

Aruba Trading Company

**NOBO NOBO NOBO**  
Nissaustrant 34

Nas a cuba di ricibi: Pa e fiesta di Santa Comunión bunta tela blanco borda di Siltza — tela di katuna nobo pa bisti di sali — tela drip-drye cu bunta disenja — brocat frances.

Tel. 1637 Rondweg 49

**Bloemenhuis ROZENHOOD**  
pa BRUUSHOUEK  
Lagu un experto hací ho trabon

**CEMPRO N.V.**  
Wayacku - tel: 2444

**BLOKKI DI BETON**  
BLOKKI CU TUR SORTO DI FIGURA

## BOTICA ODUBER

ta ofrece na pueblo en general un servicio muy especial.

Nada nuevos cu

cuatro boticarios

(assistent)

semper ta para cla pa

prepara bo receptnan.

Bin convence bo mes, ca-  
si tur recept bo por warda  
ariba nan.

◆

Pa entrega na  
cas llama 1780!

**AIR-CONDITION YOUR HOME AND OFFICE!**

**BO TA SINTIBO OTRO CU AIREACONDICIONADO NA CAS Y AIREACONDICIONADO NA OFICINA**

Adios calor, adios stof, adios baroto, adios sudor y e ta costa menos di loke bo ta kere

**ELMAR**

## UN BRUID COMO OFERTA

pa TUYUCHI

No. 15

„Lo nan a spera bo yegada casi tur dia y spera te ora cu bo bin tuma e cos aqí na bo cuenta. Y ta mas cu claro cu lo nan a maldiciona bo na tur sorto di manera. Y awor cu nan ta na sonjo, ata b'a hini diripiente“. El a hari: „Misericordia! Qui un idea gracioso. Y esei ta net, algo pa bo. Pero e poberman eiden lo no sa esei“.

Lord Bolkan no a bisa nada, el a corre pasa over dje brug y a guia e cabainan te cu el a stop nan dilanti dje terrasa. Directamente despues e cohero a puntra:

„Si y haci esei un poco duro tambe“.

Pura e cohero a pasa riba e terra-

sa pa bai cumpli cu e orden aqí. El a pone man na e klok y a hala esaki duro. Te den e shers abao nan por a tende com e klok a zona. E zonido aqí tabata dof y melancolico, cu a pone Isabel estremece.

„Quizas tin un morto ei. Larga nos bam numa te un otro ocasion“.

E shers di sir Peter tambe a corre na e momento aqí.

„Com cu ta, esaki tabata un bon careda sigur, esei mi mester acepta, aunke cu mi a perde. Tabatin un par di biah cu m'a quere cu mi tabata cla cu bo“.

Lord Gillingham a queda ta mira na e castillo.

„Ta un posesion sublime b'a con-

quista ei, Justin“, el a bisa. „Pero mi n' ta quere cu nan lo ta gusta masha tanto di por cerra conoci cu bo. Ta manera cu no tin ni un criatura bibu den e cas aqí“.

„Esei ta sina strango? Nan no tabata sa cu lo nos bini“. Isabel a respecide murmurando. „Lo mi a prefera pa nan e haci un poco mas pura y a abri e porta. Mi ta anhelu pa bai ceyenta mi curpa pega cu un bon candelá cayente“.

E cohero di lord Bolkan a bai kico un bialia mas. Despues di basta ratu nan ta tende manera tabatin hende ta lastra pia ta bini; slotnan tabata krak cadecanan tabata zona y porfin e porta grandi dilanti a dai abri.

Den e porta tabatin un anciano cu un blaker den un man y den e otro man un jas di livrea bieú dilanti su pectu.

„Ta quico hoso ta desea, senjores“, „Aqí bo tin marques Van Bolkan“, bo maestro nobo“, e cohero a bisa.

„Mi no a duna e cohero orden di bisa esei“ Justin a bisa na boz baho; pero ta claro cu e mes tabata goza di por a bisa esei“.



## EL CISCO KID

1. „Nos ta parti e placa... y laga cay!“ „Si... promer cu la fiera presenta!“ „No!“ 2. „Huy si boso quier... ami ta queda! Mi ta propone di elimina e fierceilla ey pa cuba!“ 3. „Pero, si boso huy, ami ta queda cu e placa!“



## JUAN EL INTREPIDO

1. „E herceto a facilitá mi cu e jeep volador aki pa drenta den Tibet. Hazard. E ta fantastico.“ 2. „E por corre riba cualquier camina... of e por hula na cualquier altura...!“ „Mi tabata conoce e vehiculo, equi!“ 3. „E ta jeep, avion y helicoptero a la vez... y e ta salta manera un cabrito. Cuatro cualidad indispensable!“



## DICK TRACY

1. „Aki ta e agente di koffie.“ 2. „Com ta cu tur cos na nos plantage di koffie?“ 3. „Manda mi 10 libro di nos mehor koffie y 2 munus cu avion! Un par di amiga quier bishita Hawaii. Até e adres.“ 4. „E ta safe. E tin e cabezanie- na.“ E ta terciendo nan pakil!“



## RIP KIRBY

1. „Mi conoce e secreto di capitan Doom, pero lo no ta facil pa hibebe subi justicia.“ 2. „Rip ta dibi?“ „Si, e ta duna senjal pa nos hizele!“ 3. „Hala un banda, ami lo percura pa Kirby!“



## EL PRECIO DEL TRIUNFO

1. „Quico a pasa ho, amigo? Bo no tabata quier purba bo suerte cu señoja Fortuna?“ 2. „Normalmente ta algo cu lo mi cenga, principalmente ora cu nan ta supone cu mi ta traha... pero ta fiesta di Baron, asina ta cu lo mi haci mescos cu e otro!“ 3. „Pero mi tin un presentimiento cu e baron ta planeando algo pa un hende y mi quier ta cerca pa mira ta quico...!“



## EL DIARIO DE UNA VIDA

1. „Juliet... esaki ta mes bunita cu lo que bo ta mira den cine! Senor Ulbeck ta un homber di bon gusto.“ 2. „Papa!“ Com ta bay, muchanan? Mi no quier e junan di papa Jones falta nada!“ 3. „Despues... Com ta bay cu e genio culinario? Ocupado, mi ta supone.“ „No asina ocupa, mi jiu...“



## PEPITA

1. „Sra. Brogan tin un abrigo di vision.“ 2. „Nunca ho no ta tende mi ora mi bisa bo cu un otro muher a compra un abrigo di vision!“ 3. „Pero si ho a tende cu mi a bisa bo cu mi a compra un abrigo di vision!“ 4. „Quico?“ Mi no a bisa bo?“



## Henk te Strake lo bini Antillas pa Sticusa

AMSTERDAM, 12 mei. — E nusi- co hulandes Henk te Strake lo bini Antillas bao di auspicio di Sticusa, pa bira director dje muziekschool, cu a worde forma poco tempu pasa, aki. Lo e sali for di Hulanda riba dia 2 di juni.

Sr. Ter Strake tabata dirigent dje orquesta di Radio Republik Indone- sia na Djakarta, for di 1950 te 1956. E tabata duna les den tocamento di piano na e conservatorio na Djoka- karta te 1959.

## Invitacion di Shah di Persia na Venezuela

CARACAS, 12 mei. — Gobierno di Venezuela a invita e Shah di Persia pa bishita Venezuela. Venezuela a duna como motibo pa e invitacion, e interesan petrolero comun entre Ve- nezuela y e paisnan arabe na Media- no Oriente.

## HOROSCOOP

DI AWE

ARIESNAN  
11 Maart — 20 April



Asunonnan di mucha of perso- nanan queri por existi pacenshi. Anochi mester ser usa pa ac- cion comun.

TAURINIAN  
21 April — 21 Mei



Atende interes- nan di personanan queri y trata na traha un progra- ma dibertido.

GERMINENAN  
22 Mei — 21 Juni



Pone tino riba bo intuicion y conseho cu bo ta hanja di esnan cu ta na bo bien- star.

CANCERNAN  
22 Juni — 23 Juli



Den tur cos tra- ta primeramente pa bini na un bon cooperacion. Laga otro nan com- prende bo.

LEONAN  
24 Juli — 23 Augustus



Perspectivanan ta promete ven- tajanen na trabao. Bo ta fortunoso na hopi ocasion.

VIRGONAN  
24 Augustus — 23 September



Evita riesgo pa bo meritanan. Te- ne secretanan pa bo mes, Corda ri- ba bo debenan social.

LIBRANAN  
24 September — 23 October



Paga bo aten- cion na asuntonan insistent y cor- respondencia. Bo tin bon contacto cu hicinjanan

SCORPIONAN  
24 October — 22 November



Otronan ta salu- da bo asistencia na trabao of pro- blemanan. Sea pa- ciente y lo bo lo- gra tur cos.

SAGITARIUSNAN  
23 November — 21 December



Bo ta obliga di cambia di idea. Por presenta pro- blemanan den bo relacion cu otro- nan.

CAPRICORNUSNAN  
22 December — 20 Januari



Busca manera pa mehora bo finan- cia. Tene cuidao cu bo palabranan pa bo no hanja bo condena.

ACUARIUSNAN  
21 Januari — 19 Februari



Tene cuidao du- rante viaje; tene bo na un rutina firme. Wanta tur slan di bida pa bo triunfa.

PISCES  
20 Februari — 20 Maart



Hopi bo por sin- ja di concurren- te y partner ma- trimonial. Coopera- cion y armonia ta haci bo fuerte.



SYNGMAN RHEE A BAH. President Syngman Rhee di surcorea a baha. E ministro nobo nombra di asuntonan exterior Hoe Tsjoeng ta indica pa ocupa e puesto aqui interinamente.

## Loque constructor di avion U-2 a declara

BURBANK, New York, 12 mei. — E constructor dje avion U-2, cu e ru- sonan a destrui, e ingeniero Johnson dje fabricacion di Lockheed na Bur- bank, California, a bisa ajera na Bur- bank, cu e ultimo portretnan cu e ru- sonan a publica, por ta portret dje restonan dje U-2, pero e prome por- tretnan si tabata portret di un avion mas pisa.

E corant „Journal American“ di New York, a bisa cu e avion tabata di verf cu un sorto di verf especial, cu ta haci masha dificil pa mira e avion cu radar.

„New York Daily News“ a informa ajera, cu Merca a perde 3 dje sorto di avion ey caba. Ademas di esun cu e ru- sonan a destrui.

E corant a bisa cu el a worde infor- ma di „masha bon fuente“, cu un dje 3 avionnan a desaparece completa- mente, uno a worde destrui y ta posi- ble cu e piloto a sacrifica su bida pa tene su vuelo secreto, y e tercer av- ion a worde mira ora cu el a explota over di territorio „neutral“, despues cu e piloto a senjala cu e tabatin di- ficultad cu su motor.

Segun ta conoci, Powers ta e unico dje pilotonan dje 4 U-2-nan, cu ta na hida aind.

Circulonan diplomatico cerca Na- cionnan Uni a bisa ajera cu Rusia a- parentemente ta prefera di discuti e incidente den Consejo di Seguridad.

E diplomatanan ta bisa cu esey ta kita un dje nubianan cu por a per- hudea e conferencia supremo. Parece cu Rusia kier evita un iniciativo cu lo por perhudea e discusionnan na Paris.

## Anulacion di partido liberal di Surcorea

SEUL, 12 mei. — E partido libe- ral di Surcorea, di cual 10 lider a hui of ta den prison, a dici di anula su mes. E partido a goberna Surcorea pa 8 anja largu bao di direccion di Syng- man Rhee. A worde dici di anula e partido, despues cu un esfuerzo di 80 miembro pa reorganisele, a fracas, e directiva dje partido lo reuni pa ulti- mo biaha otro siman.

## Krushev lo yega Viena di 30 di juni

VIENA, 12 mei. — Prome minis- tro Krushchev di Rusia lo yega Viena dia 30 di juni pa un bishita oficial, asina a worde anuncia oficialmente.

Nan ta spera cu lo e pasa como un siman na Austria.

## Explotacion di tanker „Bulk Oil“

BREST, 12 mei. — Awe mainta e tanker liberiano „Bulk Oil“ a ex- plosa dilanti di costa di Bretagne (Francia). 3 nabegante a perde, e va- por hulandes „Miles“ a pidi e otro nan for di awa.

## Un radar especial traha na Honolulu

HONOLULU, 12 mei. — E labo- ratoricanan di „Bell“ na Honolulu, Hawaii, a traha un radar especial, cu cual por sigui un proyectil, cu ta mo- ve cu un velocidad di 30.000 km pa ora na un altura di 800 km.

E radar aki por hanja un obheto tambe, cu ta scondi tras di un otro obheto. E sistema nobo aki di radar ta destina pa sirbi como wowo dje proyectil anti-raket „Nike-Zeus“, cu e herceto mericano ta bai cuminsa usa awor.

## (Titulo pa esposo di prinses Margaret

LONDEN, 12 mei. — Un porta- voz di Palacio Buckingham a bisa, cu ta posible cu e esposo di prinses Mar- garet lo hanja un titulo. El a bisa cu e hecho, cu ningun anuncio tocante e asunto aki no a worde haci bispu dje matrimonio, no ta nifica su Arm- strong-Jones lo hanja un titulo.

## PETRONA & CROFS

Dakota - tel. 1712-1679  
PA TUR CONSTRUCCION, RAPIDO Y MIHOR  
Puntra pa nos experto C. v.d. Wurff

## Dennis, de schrik van de buurt!



„O, Dennis, een tor heeft mijn vinger afgebeten!“  
„Oh, Dennis, un tor a mor- de mi dede quita 'fo'.“

„Non, nou, ik heb nog wel een vinger voor je, hoor Joel!“  
„No jora, mi tin un dede di reserve pa bo, tende, Joe!“